



Broj:04-11-11-84-2/22

Datum:18.02.2022.

Na osnovu člana 6. Pravilnika o utvrđivanju uslova, kriterija i postupaka za ostvarivanje prava na dodjelu plastenika i opreme u projektu „Ekonomsko osnaživanje socijalno ugroženih osoba i mladih osoba kroz proizvodnju povrća u plasteniku” kojim su osigurana donatorska sredstva od strane nevladine organizacije “Muslim Aid Association” 40 %, općine Ključ 40 %, osigurana u Budžetu Općine Ključ za 2022.godinu i vlastitog učešća korisnika 20 %, a u cilju nabavke i dodjele 10 plastenika od 100 m<sup>2</sup> sa sadnim/sjemenskim materijalom, sistemom za navodnjavanje i dodatnom opremom, na području općine Ključ, Općinski načelnik raspisuje:

**JAVNI POZIV**  
**za podnošenje zahtjeva za dodjelu plastenika od 100m<sup>2</sup> m sadnim/sjemenskim materijalom,**  
**sistemom za navodnjavanje i dodatnom opremom**

Općina Ključ u saradnji sa nevladinom organizacijom Muslim Aid Association sa sjedištem u Sarajevu raspisuje Javni poziv za podnošenje zahtjeva za dodjele 10 plastenika od 100 m<sup>2</sup> sa sadnim/sjemenskim materijalom, sistemom za navodnjavanje i dodatnom opremom. Projekat sufinansiraju općina Ključ, 40%, nevladina organizacija Muslim Aid Association, 40% i krajnji korisnik sa 20% od ukupne cijene plastenika i opreme.

## **I PRAVO UČEŠĆA**

Pravo na učešće u Projektu imaju prioritete kategorije stanovništva - nezaposlene osobe ili osobe sa minimalnim primanjima i mlade osobe sa područja općine Ključ koje posjeduju vlastito poljoprivredno zemljište ili njihovi uži članovi porodice kao i zemljište ustupljeno na korištenje ili u zakup u neposrednoj blizini stambenog objekta u kojem stanuju.

Pravo na dodjelu plastenika nemaju lica koja su dobila donaciju iz oblasti poljoprivrede od Općine, nadležnih ministarstava, humanitarnih i drugih organizacija u posljednjih 3 godine. Pravo učešća nemaju lica koja u svome vlasništvu ili u vlasništvu članova porodice imaju više od 100 m<sup>2</sup> plastenika. Pravo učešća nemaju zaposlenici i članovi uže porodice zaposlenika Muslim Aid Association i općine Ključ.

## **II USLOVI**

Podnosioc zahtjeva treba da ispunjava slijedeće opće i posebne uslove:

### **1. OPĆI USLOVI:**

- Da je nezaposlena osoba, osoba sa minimalnim primanjima ili mlada osoba, sa prebivalištem na području općine Ključ
- Da je nosilac ili član poljoprivrednog gazdinstva u Registru poljoprivrednih gazdinstava i Registarar klijenata FBiH
- Da je podnosilac zahtjeva ili član uže porodice po pravoj liniji (otac, majka, dijete...) vlasnik ili posjednik poljoprivrednog zemljišta pogodnog za plasteničku proizvodnju ili da je poljoprivredno zemljište pogodno za plasteničku proizvodnju uzeto na korištenje ili



u zakup i da se isto nalazi u neposrednoj blizini stambenog objekta u kojem stanuju a ima mogućnost navodnjavanja plastenika,

- Da u trenutku predaje zahtjeva za učešće u ovom pozivu nema više od 100 m<sup>2</sup> plastenika u svom posjedu ili posjedu užeg člana domaćinstva
- Da sufinansira 20% od nabavne cijene plastenika i opreme
- da će dobijeni plastenik zadržati u vlasništvu najmanje 3 godine od potpisivanja Ugovora.

## **2. POSEBNI USLOVI:**

- broj članova zajedničkog domaćinstva,
- broj nezaposlenih punoljetnih članova zajedničkog domaćinstva,
- broj izdržavanih članova zajedničkog domaćinstva,
- nezaposlenost aplikanta,,
- samohrani roditelji,
- mladi do 35 godina,
- prirodni uslovi (smještaj plastenika,navodnjavanje),
- socijalni aspekt (stanje na terenu, imovno stanje, opći dojam i sl.)

Kada kandidati pri bodovanju imaju isti broj bodova, prednost će imati kandidati koji imaju status mlade osobe, te višečlane porodice i veći broj nezaposlenih u porodici.

Općina Ključ i NVO „Muslim Aid Association” su nosioci aktivnosti vezanih za realizaciju Projekta.

## **III POTREBNA DOKUMENTACIJA**

Podnosioci zahtjeva trebaju priložiti sljedeću dokumentaciju:

1. Aplikacijski formular za prijavu na Javni poziv preuzima se u šalter Sali Općine Ključ,
2. Potvrda o prebivalištu (CIPS prijava) ili ovjerena kopija lične karte.
3. ovjerena kućna lista,
4. dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje, a za lica koja se ne vode na evidenciji kopija zdravstvene knjižice ili ovjerena izjava kojom se garantuje da je lice nezaposleno,
5. Potvrde iz škole/fakulteta (ovjera tekućeg semestra u indeksu ili potvrda o pohađanju za studente) za djecu/izdržavane članove domaćinstva (za djecu predškolskog uzrasta priložiti rodni list)
6. uvjerenje ili drugi dokaz o visini prihoda za svakog zaposlenog člana domaćinstva sa kućne liste (za penzionere posljednji ček od penzije ili potvrda izdata od banke),
7. vlasništvo ili posjed nad parcelom koja se namjerava koristiti za instaliranje plastenika (kopija ZK izvadka ili Posjedovnog lista, ili ugovor o zakupu/korištenju parcele), ili izjava o davanju zemljišta na korištenje bez naknade iz RPG i RK,
8. dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj),
9. dokaz da je podnosilac zahtjeva ili uži član porodice (dijete ili bračni drug) osoba sa invaliditetom (potvrda ili drugi dokument kojim aplikant dokazuje da je osoba sa invaliditetom),
10. ovjerena izjava da u trenutku predaje zahtjeva za učešće u ovom pozivu nema više od 100

m<sup>2</sup> plastenika u svom posjedu ili posjedu užeg člana domaćinstva,

11. ovjerena izjava da će korisnik podsticaja dobijeni plastenik zadržati u vlasništvu najmanje 3 godine od potpisivanja Ugovora,
12. ovjerena izjava da podnosilac zahtjeva u posljednjih 3 godine nije ostvario pravo na donaciju, iz oblasti poljoprivrede od općine, ministarstava, humanitarnih i drugih organizacija,
13. ovjerena izjava da će sufinansirati 20% od nabavne cijene plastenika sa dodatnom opremom ( 630,00 KM), te da će obavezno prisustvovati edukaciji iz oblasti plasteničke proizvodnje u trajanju od dva dana.
14. Ovjerena izjava da je nosilac ili član poljoprivrednog gazdinstva u Registru poljoprivrednih gazdinstava i Registar klijenata FBiH

Potrebna izjava za uslove pod rednim brojevima 10,11.,12.,13 i 14 se podnosi na zajedničkom obrascu „IZJAVA“, koja se može preuzeti u šalter sali općine Ključ.

Ukoliko se prilikom bodovanja kandidata utvrdi nedostatak dokumentacije koja dokazuje opće uslove, kandidat će biti eliminisan iz dalje procedure odabira za dodjelu plastenika sa pratećom opremom.

#### **IV PROCEDURA ODABIRA KORISNIKA**

Komisiju za odabir krajnjih korisnika za dodjelu plastenika i opreme putem sufinansiranja u saradnji sa humanitarnom organizacijom čine: predstavnik organizacije Muslim Aid Association, i dva predstavnika općine Ključ.

Zadatak Komisije za dodjelu plastenika i opreme je:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje te istu dostavlja Općinskom načelniku.

Saglasnost na predloženu rang listu kandidata daje Općinski načelnik.

Rang lista odabranih kandidata će biti objavljena na oglasnoj ploči općine Ključ i službenoj web stranici općine Ključ.



## NAPOMENA:

- Kandidati koji ostvare pravo na dodjelu platenika i opreme obavezni su prisustvovati edukaciji u trajanju od dva dana.

Obrasci zahtjeva za prijavu mogu se preuzeti šalter sali općine Ključ i na službenoj web stranici [www.opcina-kljuc.ba/](http://www.opcina-kljuc.ba/), zajedno sa dokumentacijom predati u zatvorenoj koverti na protokol općine Ključ sa naznakom „Za javni poziv za dodjelu platenika i opreme“, a rok za podnošenje zahtjeva je 15 kalendarskih dana, od dana objavljivanja javnog poziva na web stranici općine Ključ te na oglasnoj ploči općine Ključ.

Sve dodatne informacije mogu se dobiti u Službi razvoj privredu i civilnu zaštitu, Općine Ključ, II sprat, kancelarija broj 23, svakim radnim danom od 07:00-13:00 sati i na kontakt telefon 037/661-142

Nepotpuna, neuredna, netačna i neblagovremena dokumentacija neće se uzimati u razmatranje.

Javni poziv ostaje otvoren do 07.03.2022. godine do 14:00 sati.



OPĆINSKI NAČELNIK

Nedžad Zukanović, prof.